

Umiarsuit ullorsiutaat pillugit nalunaarut

Inatsit naapertorlugu § 3, imm. 1, nr. 3 aamma § 32, imm. 9, imm. 1-imi, imarsiornerup isumannaatsuunissaanik inatsimmi, tak. Nalunaarummi nr.1629 17. december 2018-imeersoq, § 3, imm. 1, nr. 3 aamma § 32, imm. 2, imarsiornerup isumannaatsuunissaanik inatsisip Kalaallit Nunaanni atuutilernissaanik peqqussummi, tak. Nalunaarut nr. 1674 16. december 2015-imeersoq aamma § 471, imm. 1 aamma imm. 5, imm. 2, imarsiornermut inatsimmi, tak. Inatsimmut nalunaarut nr. 1505 17. december 2018-imeersoq, aamma § 471, imm. 1 aamma imm. 5, imarsiornermut inatsimmi, tak. 2, Kalaallit Nunaanni atuutilersinneqartoq peqqussutikkut nr. 8 15. januar 1996-imi, piginnaatitsissummi aalajangersarneqarpoq § 1 naapertorlugu, imm. 1, nr. 3 aamma 10, nalunaarummi nr. 744 24. juni 2013 piunasaqaatinik Søfartsstyrelsimut immikkoortitsineri aamma naammagittaalliorsinnaanermut il. il.:

Ullorsiutinik atuineq

§ 1. Umiarsuarni ullorsiutinik allattuinnisaq umiarsuarni tulliuuttuni taaneqartuni atuutinneqassaaq:

- 1) Umiarsuarni 150 tonsinik usisinnaasuni taassumalu saniatigut umiarsuarni nunarsuup imartaani angalasuni.
- 2) Umiarsuaq sunaluunniit, angissusaa apeqqutaatinnagu, angallavia inatsit malillugu akuerisaasoq tulliuuttuni ukunani angalasinnaavoq: Nordsø-p kangia 3 gradinik allorniussaq tukimukartoq Ø aamma kujammut allorniussaq sanimukartoq 62 grader sanimukartoq N, Østersømi angalaneq kiisalu Kalaallit Nunaata sineriaani 30 sømil-itut avasitsigisumi imaluunniit taanna ataallugu (basislinie).
- 3) Umiarsuit 300 tonsinik usisinnaasut imaluunniit qaangerlugit, nunap immallu killeqarfiisa iluani angalasut danskit umiarsualivii tikittarlugit angalasut
- 4) Ilaasartaatit tamarmik, angissusaat apeqqutaatinnagu nunap immallu killeqarfiisa iluani danskit umiarsuliviisa akornanni angalasut 4 timit sinnerlugit sivissusilimmik.

Imm. 2. Aalajangersakkat apeqqutaatinnagit imm. 1-imi piunasaqaataaangilaq umiarsuaq ullormut nalunaarsuinissaminik ukunani:

- 1) Umiarsuit 300 tons ataallugu usisinnaasut, angallavii Kalaallit Nunaata umiarsualiviisa akornanni angalasut.
- 2) Umiarsuit aalisariutit, angallavii malittarisassat malillugit akuerineqartut ilanngullugu kujammut allorniutsat 62 grader sanimukartoq N, avannamut sanimut 48 grader sanimut N aamma kangimut 12 grader tukimut V, Østersø-imi angalasut aamma Kalaallit Nunaata imartaani 200 sømilitut avasitsigisumi imaluunniit taanna ataallugu. (basislinien)

Ullorsiutit allattorneqarnissaat aamma ittujaarsimanissaat

§ 2. Umiarsuarni ullorsiut umiarsuup naalagaanit allattorneqassapput imaluunniit umiarsuup naalagaanit nakkutigineqartumit umiarsuup aquttua peqataatillugu.

Imm. 2. Umiarsuup ullorsiutaanik allattuisoq, Akisussaatitaavoq paasissutissat allanneqarsimasut eqqortuunissaannik.

Imm. 3. Umiarsuup naalagaata nakkutigissavaa umiarsuup ullorsiutai eqqortumik malitassallu malillugit allanneqassammat.

§ 3. Umiarsuup ullorsiutai allanneqartassapput tulliuuttuni piffissaliussaq malillugu:

- 1) Ulloq unnuarlu umiarsualivimmiinnermi.
- 2) Angalanermi pigaartut taarserneranni.

Imm. 2. Pigaartoqartillugu susoqarsimanera allakkallanneqartassaaq, taamaattorli pigaarfiup naanerani ullorsiutinut allaqqissaarneqartassaaq.

§ 4. Umiarsuup ullorsiutai iluameersumik ersarissumillu allanneqartassapput. Allareersimasat piiarne-

qartassanngillat, qallerneqartassanngillat imaluunniit atuarneqarsinnaajunnaarlugit allatulluunniit pineqartassanngillat. Iluarsiinissaq pisariaqaleraangat, ilanngussatut allanneqartassaaq.

Imm. 2. Umiarsuup ullorsiutai qallunaatut imaluunniit tuluttut allanneqartassapput.

Imm. 3. Kalaallit aalisariutaanni 24 m ataallugit takissusilinni umiarsuup naalagaata ilanngussai kalaallisut allanneqartassapput, misissuisoqassatilluguli allanneqarsimasut qallunaatut nutserneqartassapput.

§ 5. Umiarsuup ullorsiutaani angalanermi pisimasut aamma nalaanneqarsimasut umiarsuaatilinnut pingaaruteqarsinnaasut, usinut piginnittunut, sillimmasiisartunut imaluunniit allanut soqutigisaqartunut pisut eqqortumik allanneqarnissaat pingaaruteqarpoq. Ajutoornerit pisimasut eqqoqqissaartumik allanneqartassapput umiarsuarmut usinulluunniit ajutoorutaasimasut sunalu peqqutaasimasoq, pisimasoq taavalu qanoq iliiuseqarsimaneq allanneqartassalluni. Taamatullu nalunaarsorneqartassapput ajutoorsimanerit umiarsuarmi inuttaasunik sunniutilimmit ajutoortoqarsimatillugu.

§ 6. Umiarsuup ullorsiutai innaallagissamoortut atorlugit allanneqarsinnaapput soorlu ullorsiutinut ilanngussat tamaasa imaluunniit ilaannakortut nalunaarsukkat innaallagissamoortut atorlugit allatorneqarsinnaasut.

Imm. 2. Maskiinanit aamma innaallagissamoortut atorlugit allatat imaattariaqassapput kingusinnerusukkat allannagortinneqarsinnaajunnaarlugit suliaassallutik. Innaallagissamoortut atorlugit allattukkat inuit ataasiakkat isissutissaanik peqartumik toqqorneqartassapput (kode).

Imm. 3. Innaallagissamoortut atorlugit toqqortat ullormut sillimmatissatut kopi-erneqartassapput.

§ 7. Umiarsuup ullorsiutai naqiterneqareeraangata imaluunniit arlaatigut atorneqarsinnaajunnaaraangata taava umiarsuup naalagaata nutaamik isumaginnissaaq.

Imm. 2. Ullorsiutit tamarmik innaallagissamoortut atorlugit allattukkat imarsiornermi inatsisip kapitalia 18 tunngavigalugu toqqorneqartassapput.

Imm. 3. Allattugaagallartut paarineqartassapput ullorsiutinut allatorneqarnissamik tungaannut.

Pineqaatissiinerit aammaatuutilerfissaa il. il.

§ 8. Umiarsuup naalagaata imaluunniit aquttuata § 1, § 2, imm. 2 imaluunniit 3, §§ 3-5 imaluunniit § 7, tunngavigalugit suliarisimangippagit taava pineqartoq akiliisinneqarsinnaavoq.

Imm. 2. Suliffeqarfii il.il. (inatsisit tunngavigalugit akisussaatitaasoq) pillaasarnermut inatsisip kapitali 5 malillugu pillaatissinneqarsinnaapput.

§ 9. Pisimasoq Kalaallit Nunaanni imarsiornermut inatsisip atuutitaalerfianut tunngappat, taarsiullugu pillaatissiisoqarsinnaavoq § 8, imm. 1, tunngavigalugu, Kalaallit Nunaanni pinerluttulerinermut inatsit malillugu pineqaatissiisoqarsinnaavoq.

Imm. 2. Inuk pineqartoq Kalaallit Nunaanni najugaqarsimangippat, imaluunniit Kalaallit Nunaannut annerusumik attuumassuteqangippat pineqaatissinneqarsinnaanera atuutinngippat taava suliaasaq Danmarkimi suliaakkiissutigineqarsinnaavoq, tak. § 7 Kalaallit Nunaannut pinerluttulerinermut inatsit.

§ 10. Nalunaarut atuutitilersinneqassaaq 1. juli 2019.

Imm. 2. Umiarsuarni ullorsiutit aamma radio atorlugu ullorsiutit pillugit nalunaarut nr. 978, 20. juli 2007-imeersoq atorunnaarsinneqarpoq.

Søfartsstyrelsen, ulloq 10. januar 2019

PER SØNDERSTRUP

/ Martin John